

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

**Uunga siunnersuut: Ilinniartitaanernut Inuussutissarsiutinullu siunnersuisarneq
pillugu Inatsisartut inatsisaannik allannguneq pillugu Inatsisartut inatsisissaattut
siunnersuut nr. xx, xx. xxx 2018-Imeersoq**

**(Ilinniagaqartunik tarnikkut isumaginninnikkullu siunnersuisarneq pillugu ilassut,
ilitsersuisarnerup ilaatut, aamma Siunnersuisarnermut Siunnersuisoqatigiit
katitsigaanerat pillugu allannguut, aamma kalaallisuuani iluarsiiisutit § 11, imm. 2,
§ 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut
oqaaseqaataani.)**

(Ilinniartitaanermut, Kultureqarnermut, Ilageeqarnermut Nunanullu Allanut
Naalakkersuisoq)

**Siunnersuutip aappassanneerpeqarnerani
Pillugu**

ISUMALIUTISSIISUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap kingullermik suliarinninnermini ilaasortarai:

Inatsisartunut ilaasortaq Mala H. Kúko, Siumut, siulittaasoq
Inatsisartunut ilaasortaq Mimi Karlsen, Inuit Ataqtigiit, siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Sofia Geisler, Inuit Ataqtigiit

Ulloq 9. oktober 2018 UKA 2018-imi siullermeerinninnerup kingorna ataatsimiititaliap
siunnersuut misissorpaa.

1. Siunnersuutip imarisaa siunertaalu

Nuna Tamakkerlugu Ilitsersuisarfimmit ingerlanneqartartut tarnip pissusaanut
isumaginninnermullu tunngasutigut siunnersuisarneq uani peqqissaanermik suliaqarneq
Kalaallit Nunaanni ilinniartitaanermut inuussutissarsiutinillu siunnersuisarneq
Namminersorlutik Oqartussat inatsisaat nr. 4, 29. november 2013-meersoq pillugu matumuuna
allannguutissatut siunnersuutikkut siunnersuisarnermut inatsimmi inatsisitigut tunngavissat

amigaataasut matumuuna Naalakkersuisut ersarissarusuppaat. Tamatuma malitsigisaanik siunnersuutaavoq siunnersuisoqatigiit katitigaanerannut inassuteqaateqartartunut nakorsaaneq peqqinnissamik nakkutilliisuusoq siunissami ilaasortamik inassuteqartassasoq. Taamatuttaaq KANUKOKA atorunnaarpoq, taamaasillunilu siunnersuisoqatigiit katitigaanerannut inassuteqartartut allattorsimaffianiikkunnaarpoq.

Kiisalu kukkunersiuilluni inatsimmik atuuttumik atuaqqinnermi inatsisip kalaallisuuani aalajangersakkat oqaasertaannik allannguinnissaq siunnersuutaavoq

2. Tusarniaanermut akissutit

Inatsisissamat siunnersuutip tusarniutigineqarneranut akissutit tunniunneqarsimasut ilanngunneqarput, Inatsisartullu siulittaasoqarfiata ilusiliinissamat piumasaqaatit pillugit aalajangigaanut naapertuuppoq. Piffissami 8. juni-miit 6. juli 2018 siunnersuut tusarniutigineqarsimavoq.

3. Ataatsimiititaliami siunnersuummik suliarinnineq

Inatsisissatut siunnersuut Namminersorlutik Oqartussat Kommunillu akornanni suliassanik agguaaqatigiinnermut ersarinnerulersitseqataavoq. Tamatumunnga peqatigitillugu inatsisip aalajangersagaanik naleqqussaaneruvoq, taamaasilluni ilinniartut siunnersorneqarnissamik pisariaqartitsinerat ilitsersuisarfiup siumortarsimasaa tunggavigalugu Nuna Tamakkerlugu Ilitsersuisarfiup siunnersuisarnermik qaffassaanera ersersippaa. Inatsiseqartitsineq atuuttoq malittarisassanik naleqquttunik atuuffissaanut piviusunut naleqquttuussasoq ataatsimiititaliamit tapersersugassaqquilluinnartutut isigineqarpoq.

Siunnersuutip siullermeerneqarnerani pissutsit inatsisissatut siunnersuummut annerusumik minnerusumilluunniit attuumassuteqartut saqqummiunneqarput. Ataatsimut ilinniartitsinermik nukittorsaaniarneq Nuna Tamakkerlugu Ilitsersuisarfiup siunnersuisarneq pillugu suliaa assigiinngitsorpasuit akornanni suliassaq ataasiusoq ataatsimiititaliap miserratinginngilaa. Tamatumunngalu atatillugu ataatsimiititaliap pingaartilluinnarpaa malinnaatinneqarnissani ilinniartitaanerlu pillugu nutarterinermi oqaloqataanermilu ataatimiititaliap sulinerani Naalakkersuisut ingerlaavartumik peqataatinneqarnissaat qilanaaralugu. Ilinniartitaanerup aaqqissugaanera kisiat ilinniartitaanermik nutarterinermi isummerfigineqassanngitsoq tassunga atatillugu ataatsimiititaliap naatsorsuutigaa. Assersuutigalugu una inatsisissatut siunnersuut taamatut ersersitsivoq – taava ilinniartitaaneq pillugu oqallinneq tassaaginnassanngilaq iluseq pillugu oqallinneq kisiannili aamma imarisaanik oqallinnerusariaqarluni. Taamaasilluni una siunnersuinerup nammineq imarisarpiaa ilinniartunut ataasiakkaanut pitsaasumik sunniuteqartitsisinnaasoq.

Nuna Tamakkerlugu Ilitsersuisarfiup siunnersuisarnermik suliassatut allattorsimaffianut ilanngussassatut siunnersuutip § 1, nr. 1:

”[...] 9) *tarnikkut aamma isumaginninnikkut siunnersuisarneq, tamatumani aamma peqqissaasarneq ilinniagaqartunik, tak. § 18, imm. 2.*

Taaneqartumi § 18, imm. 2, siunnersuutip § 1, nr. 9-mi imaattoq takuneqarsinnaavoq:

“Imm. 2. Imm. 1, nr. 7-imi ilinniagaqartutut paasineqassapput inuit ilinniakkamik ingerlatsisut aamma ilinniagaqartut, pikkorissaqqinnermik ingerlatsisut suliffissanut, ilitersuisarnernut pikkorissaqqinnernullu qitiusumik ingerlatsivinni.”

Matumuuna Nuna Tamakkerlugu Iltersuisarfiup siunnersuina Majoriami ingerlanneqartoq Majoriami ilinniartunit taamaallaat atorneqarsinnaavoq¹.

Inatsisissatut siunnersuummi § 1, nr. 7 imaattoq takuneqarsinnaavoq:

*”Naalackersuisut tamatumunnga kommunalbestyrelsimiit qinnuteqartoqarneratigut periarfissaqartissinnaavaat ilitersuisarnerup **utaqqiisaasumik** inummit ilitersuisarnermi immikkut piginnaaneqanngitsumit ingerlanneqarallartarsinnaanera, ilitersuisartup ilinniagaqalernerani imaluunniit ilinniagaqarnerani ilinniartitaanernut ilitersuisarnernullu suliassanut Naalackersuisunit akuerisaasumik.”*

(Ataatsimiititaliap erseqqissaanera)

Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersumut aalajangersakkamut oqaaseqaatini ersippoq maannakkut siunnersuutaasumi inatsisip kalaallisut oqaasertaanik aaqiisoqartoq. Inatsisartut inatsisaani atuuttumut siunnersuummut oqaaseqaataani imaattoq takuneqarsinnaavoq:

”Malitassatut pingaarnermiit malinneqartariaqanngitsoq siulleg tassaavoq taamatut ilinniagaqanngikkaluarluni ilinniagaqarneq inuussutissarsiuteqarnerlu pillugit ilitersuisarnermut tunngatillugu allamik naleqquttumik ilinniagaqanngikkaluarluni ilitersuisoqarsinnaasoq. Ilinniakkatut naleqquttutut ilinniagaqarneq inuussutissarsiuteqarnerlu pillugit ilitersuineramik Naalackersuisunit akuerisaasumik ilinniartitsisinnaanertut assersuutigalugu taaneqarsinnaavoq nunani allani ilitersuisarnermik ilinniagaqarsimaneq. Tamassuma saniatigut universitetimi naleqquttumik ilinniagaqarsimaneq pissutsit malillugit aamma

¹ Ima oqaatigalugu inatsimmi atuuttumi eqqaaneqarput ”suliffissanut, ilitersuisarnernut pikkorissaqqinnernullu qitiusumik ingerlatsivik.”

atorneqarsinnaavoq. Ilinniarnernik ataasiakkaanik nalilersuineq aallaavigalugu Naalakkersuisut akuersisassapput.

*Malinneqartariaqanngitsup aappaa aalajangersakkami oqaasertat aappaanni takuneqarsinnaavoq, taannalu utaqqiisaasumik malinneqartarianngitsuuvoq. Malinneqartariaqanngitsunik malittarisassap atornissaanut piumasqaataavoq inuup ilitersuisarnermi ilaatigut piginnaasaqartup pineqarnera, inuillu tassunga peqatigitillugu ilitersuisartutut ilinniartuussapput imaluunniit ilinniarnernup assinganik aallartingajalerlutik. Taamaalilluni ataavartumik malinneqartariaqanngitsoq pineqanngilaq, tassa aalajangersakkami piumasqaataammat ilinniagaqarneq pillugu piumasqaat **piffissap ilaani** malinneqassasoq. Ilinniagaqarsimanermik piumasqaammik malinninnerup sivilissusia pillugu apequt nalilersorneqassaaq.”*

(Ataatsimiititaliap erseqqissaanera)

Siunnersuisartumik ilinniakkamut attuumassuteqartumik ilinniagaqanngitsumik kommunit atorfinitsitsinissamat immikkut ittumik akuerineqarsinnaanngitsut ataatsimiititaliap nalilerpaa aatsaalli attuumassuteqartumik ilinniagalimmik atorfinitsitsinnaasut. Naalakkersuisut qinnuigineqarput matuma siunnersuutip aappassaaneerpeqarneranut atatillugu taamatut naliliineq isumaqatiginerlugu nassuiaateqaqqullugit. Tamatuma saniatigut Naalakkersuisut qinnuigineqarput tullinnguuttunut nassuiaateqaqqullugit:

- Taamaattoqarpat pineqartut atorfinitsinneqarsimasut pillugit kommunit qanoq ittunik uppersaateqaqqassasut ilimagineqarsinnaava taaneqartut atorfillit attuumassuteqartumik ilinniarniagaqalerniarnersut
- Erseqqissaqquneqarpoq, qanoq ”*piffissap ilaani*” nassataqarnersoq

Siunnersuummi § 1, nr. 3 naapertorlugu Peqqinnissamik nakkutilliisoq nakorsaaneq Nunatsinni Iltersuisarnermik Siunnersuisoqatigiinnut ilaasortassamik innersuussisassaaq. Nuna tamakkerlugu ilitersuisarfimmit ingerlanneqartartut inatsisitigut tunngavissaanik tarnikkut atukkanut aamma isumaginninnikkut ilinniagaqartunik siunnersuisarnernut pilersitsinissamik tamanna peqquteqarpoq. Nuna tamakkerlugu ilitersuisarfiup sulineranut atatillugu ilinniakkanik qulakkeerinninniarneq ataatsimiititaliamit pitsaasutut isigineqarpoq.

Inatsisissatut siunnersuutip nalinginnaasumik oqaaseqaataani taaneqanngikkaluartoq inatsisip atuuttup kalaallisut oqaasertaanik tamanik inatsisissatut siunnersuummi nutarteriniarneqartoq maluginiarneqarpoq.

Iltersuisarneq pillugu inatsimmi § 18, imm. 1 nr. 7, § 18, imm. 1 nr. 8-tut

ingerlateqqinniarneqarpoq. Tamatumunnga atatillugu ataatsimiititaliap maluginiarpaa qinnuteqartarneq pineqartoq ilinniagaqarnersiuteqarnissamut qinnuteqarnerunngitsoq takuneqarsinnaajunnaarsimammatt. Ataatsimiititaliap ilimagivaa tamanna kukkunerusoq taamaattumillu Naalakkersuisut inatsisissatut siunnersuummut matumunnga allannguutissatut siunnersuummik saqqummiussaqaassat tassani takuneqarsinnaassalluni ilinniagaqarnersiutinut qinnuteqarnerusoq ataatsimiititaliamik naatsorsuutigineqarpoq.

5. Siunnersuutip aningaasatigut kingunerisassai

Siunnersuutip nalinginnaasumik oqaaseqaataani siunnersuutip piviusunngortinnerani aningaasatigut kingunerisassai allaaserineqarput. Siunnersuummut nalinginnaasumik oqaaseqaataani immikkoortup 3-mi tulluuttut oqaatigineqarput:

Siunnersuut taamaasilluni aningaasaqarnikkut imaluunniit allaffissornikkut allannguinerunngilaq, aningaasaliissutaasartunut tunngatillugu, kontumi pingaarnermi 40.90.13 Siunnersuineq kiisalu tarnikkut inooqatigiinnikkullu nuna tamakkerlugu ilinniartunik siunnersuisarfik (Ingerlatsinermit aningaasaliissutit).

Nuna Tamakkerlugu Ilitsersuisarfimmut siunnersuisoqatigiit katitigaanerannik allanngiueq isumaqarpoq siunnersuisoqatigiit siunissami 6-inik ilaasortaqaalernissaat, maanna tallimaasut. Tamanna kinguneqassaaq aningaasartuutunik ullormusianut aammalu angalanermut aningaasartuutunik matussusiisarnermik ilaasortamut ataatsimut, najukkaminiit siunnersuisoqatigiit ataatsimiinnissaannut angalasariaqartartumut, malittarisassallu naapertorlugit aningaasarsiaqartussaasumut ilassusikkanik akissarsiaqartitsisarneq il.il. Inatsisartunut Naalakkersuisumut il.il. ilaasortanut inatsit naapertorlugu. Tamatumunnga atatillugu oqaatigineqassaaq siunnersuisoqatigiinni ilaasortaaneq akissarsiaqaataanngimmat namminerlu piumassutsimik suliaalluni.”

Siunnersuut akuerineqassappat aningaasaqarnikkut allaffissornikkullu kinguneqassasoq Naalakkersuisut ilimaginngilaat innuttaasut namminersorlutillu inuutissarsiortut eqqarsaatigalugit. Tamannalu pillugu ataatsimiititaliap oqaaseqarfigissallugu peqqutissaqartinngilaa.

6. Ataatsimiititaliap inassuteqaatai

Ataatsimiititaliap isumaqatigiittup inassutigaa siunnersuut akuerineqassasoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Mala Høy Kúko
Siulittaasoq




Mimi Karlsen
Siulittaasup tullia



Laura Táunâjik



Nivi Olsen



Sofia Geisler